

四庫全書

集部

欽定四庫全書

集部

石倉歷代詩選卷二百六十二

詳校官庶吉士臣范逢恩

侍讀臣孫球覆勘

總校官進士臣朱鈴

校對官主事臣張慎和

謄錄監生臣李敦源

欽定四庫全書

石倉歷代詩選卷一百六十二

明 曹學佺 編

元詩三十二

楊維禎

赤董篇

吳鈞父悖子楚邪臣逆君曷比赤董精新鑄雙龍文作  
世無價寶二鄉何足論倚天落旄頭仰日裂飛雲一怒

安天下持以奉至尊

海客行

海客朱雀航下有五鳳房三月發長干六月下淮陽清  
絲韋白日羅幕西風涼大姬動金露小姬彈空桑中姬  
執藥餌調冰浣肝腸海客睡不起明晏賽神羊

春芳曲

春容不再芳春華不再揚我欲倩遊絲花前繫春陽春  
陽不可繫遊絲徒爾長飛來雙蛱蝶綴我羅衣裳頓足

起與舞上下隨春狂

驪山曲

驪山鬱崔嵬宮闕金銀開月生鳩鵲觀雲遶鳳凰臺宮  
中紅粧子調笑春風媒青鳥銜巾去乳鹿巡花來天王  
太白次地皇金粟堆石馬動秋色羌笛連暮哀只今瑤  
池水八駿渴生埃

要離塚

金昌亭下路春草沒荒丘云是要離塚令人生古愁侏

兒三尺幹不佩雙吳鈎中包猛士膽白日照高秋忍死  
屠骨肉視身若蜉蝣荆軻不了恨慶忌成身謀如何五  
噫客死與爾同仇

香山篇

大湖西濱西施種香之所

放舟脂塘曲盤遊湖上雷雷鳴湖雨作還泊香山隈美  
人鬪香草上有九畹裁美人在何所搴芳招歸來露下  
荆棘草鹿上姑蘇臺

紈扇辭

團團合歡扇似此月嬋娟  
嬋娟有時缺我扇豈長圓  
秋風落桐葉我扇同棄捐  
不得如秋葉吹墜在君前

虎丘篇

路出女墳湖警蹕霸王驅  
靈池飛辟歷枯塚走於菟  
禪猶點石仙鬼只疑狐祖龍  
來發闕銀海翩飛鳬

鳴箏曲

斷虹落屏山斜鴈著行安  
釘鈴雙啄木錯落千株伴秋  
龍啼玉海夜燕語雕欄只應桓  
叔夏重起為君彈

覽古

騷雅去已久宮體爭哇淫洛陽風一變枳性隨人心鄉  
關思蕭瑟作賦哀江南調入金釵臂亡國有餘音

采菱曲

若下清塘好清塘勝若耶鴛鴦飛鏡浦瀉瀉睡銀沙兩  
漿夾螳臂雙榔交犬牙照波還自惜艷色似荷花袖惹  
紅萍濕裙牽翠蔓斜大堤東過客背面在蒹葭日落江  
風起清歌襍笑哇

道旁騎

春風扇官道官柳黃金條道旁百金騎俠氣爭春驍竹  
間小桃花嫣如董嬌燒下馬隔花語疑是花中妖

鴻門會

天迷闕地迷戶東龍白日西龍雨撞鐘飲酒愁海翻碧  
火吹巢雙猰㺄照天萬古無二鳥殘星破月開天餘座  
中有客天子氣左股七十二子連明珠軍聲十萬振屋  
瓦拔劍當人面如赭將軍下馬力排山氣捲黃河酒中

鴻劍光天上寒彗殘明朝畫地分河山將軍呼龍將客走石破青天撞玉斗

城西美人歌

長城喜春春半強杏花滿城散餘香城西美人戀春陽  
引客五馬青絲韁美人有似真珠漿和氣能消冰炭腸  
前朝丞相靈山堂雙雙石郎立道旁當時門前走犬馬  
今日丘壑登牛羊美人兮美人舞燕燕歌鶯鶯蜻蜓  
蝶爭飛揚城東老人為我開錦障金柈薦我生櫛榔美

人兮美人吹玉邃彈紅桑為我再進黃金觴舊時美人  
已黃土莫惜秉燭添紅妝

簾幕吟

張猩猩嗜酒復嗜音春雲小宮鸚鵡吟猩猩帳底軋胡  
琴一雙銀絲紫龍口瀉下驪珠三萬斗劃然火豆爆絕  
弦尚覺鶯聲在楊柳神弦夢入鬼工秋湘山搖江江倒  
流玉兔為爾停月白飛魚與爾躍神舟西來天官坐榜  
槎羌絲啁啁聽者惄張猩一曲獨當筵乞與五花金線

禊春風殘絲二十年江南相見落花天道人春夢飛蝴蝶手弄金瓢合黃葉張猩猩淚如雨面如霞勸爾更盡雙叵羅白頭吳娥年少歌金缸悲啼奈樂何

內人阮琴圖

花點吳鹽春欲老翡翠飛來翥芳草美人睡起春思深彈絲拊木寫同心荔枝五弦調急緩阮家月琴軸初綰須臾鈞天雙合樂南薰殿中風動幕禁園樂官樂不鳴宮中之音和且平

內人吹簫詞

天寶年來教春坊紫雲製曲吹寧王美人何處竊九漏  
耳譜亦解傳伊涼鶡弦轉斷黃金軸獨據胡牀弄橫玉  
治情忽逐野鶯飛十指紅蠶迷起伏御溝水暖浴鷦鷯  
天地久無征戰聲芙蓉楊柳自搖落豈識黃雲邊塞情  
西樓今夜月色午內人思仙望河鼓白日蕭條鳳不來  
井梧風動神鳥語

內人剖瓜詞

轆轤索褪垂金井水殿風來晚花淨美人睡起袒蟬紗  
照見臂釵紅肉影荔子漿酸搖左車阿母新進朱陵瓜  
侍奴手浴井花冷水氷金盆擎掌窄鸞刀未破圓玉斗  
斗破紅氷驚落手玉郎渴甚索相嘲可忍食殘團月凹

屏風謠

瑠璃怯寒翡翠熱芍藥芙蓉四時絕深堂氣候異冬春  
門外酸風箭入骨匡牀覩鼈踏香雪紅姬扶醉醉眼纈  
金缸燄燄照羅襪阿瞞嬌郎慎輕劣隙光射人如白日

崔小燕嫁辭

閨間城中三月春流鶯水邊啼向人崔家姊妹雙燕子  
踏春小靴紅鶴觜飛花和雨著衣裳臨妝小姊雙鴛鴦  
離光苦惜春光好去去輕舟隔江鳥東人西人相合離  
為君歡樂為君悲

西溪曲

西溪溪口東岡道楊柳陰陰春欲老花間繫馬我曾來  
紅雨傷春迹如掃美人勸我金卮漿玉臺贈以盤龍寶

願作西溪一水魚，趨爾音顏為予好。  
城南將軍同醉倒，殞宮今已生春草。

湖中女

湖中水滑如脂，湖中女芙蓉姿。  
湖中小槳蕩蓮葉，唱得吳王白雪詞。  
輕裾利屣踏鴈足，為客高歌射明月。  
生年不作人家婦，東人西人喚恩主。  
主家薄倖恩不終，歸來抱瑟彈孤鴻。

琵琶怨

蜀絲鴛鴦織錦綃邇檀鳳凰斷金槽絃抽甕蘭五色毫  
雙成十指聲嘈嘈冢頭青草天山雪眼中紅冰嵬下血  
哀弦悽斷感精烈池上蕤賓躍方鐵

周郎玉笙謠

絲竹之器貫古今而聲不可以變者惟笙也  
潘安仁調笙總衆清之林衛無所措其邪鄭  
無所容其淫者是以樂記曰竹聲濫濫焉以  
立會若笙又立會之要者故夔以儀鳳鳥接

浮丘之仙也於虞下俚哇咈笙師之教幾歇矣金華周郎琦獨聰于此余嘗靈巖虎阜間聞其奇哢令人飄飄然有伊洛間意時坐客句曲張真居東海倪元鎮崑丘顧仲瑛雲丘張仲簡吳興郊九成咸名能詩者也余為賦玉笙謠一首且率諸君子同賦余又為引之如此

周郎學仙吹玉笙玉笙吹得丹山七十二鳳之和鳴曾

侍瑤池阿母謙坐中調笑董雙成謫向人間赤松洞洞  
口桃花苦迎送南尋二女湘水頭十三哀弦不成哢西  
洞庭東洞庭相逢鐵笛銅龍精從我吹春玉臺上棲霄  
不許謝玄卿

毛女

沙丘腥風吹腐龍華陰毛竹藏雙魚宮中雨露不可食  
啖松啖柏留春容桃花流水迷紅霧十二峯頭度朝暮  
自是嬋娟有仙骨入海徐郎豈知故衣沐雨鬟櫛風槲

葉楚楚山花紅秦樓舊鏡掩明月咸陽目送雙飛鴻

羅浮美人

海南天空月暎暎三山如拳海如沼綠衣歌舞不動塵  
海仙騎魚波嫋嫋翩然而來坐芳草皎如白月升林杪  
洗粧不愛瘴煙昏縞袂初逢鴻欲矯手持君山老人笛  
黃鸝新腔知者少江南吹斷桃葉腸雨聲夜落巫山曉

昭君曲

鴻鴈向南飛明妃西嫁幾時歸塞酥入饌捐漢食邊風

中人裂漢衣北音不通言語譯分死薄命穹廬域君不見越中美人嫁姑蘇敵國既破還陶朱嗟嗟孤塚綠草碧祇博呼韓雙白璧

簞簾吟

春風吹船下揚州夜聽鶯聲江月流故宮搖落揚柳衰客子於邑山陽愁明朝此聲不可求乃知朔客杜寬者手持悲簾尋南遊胡笳拍中愁未休龜茲角筦親編收王門歷盡及五侯翩然鴻飛不可留遂材既訪柯椽鍛

更協鳳鳴崑崙丘卷蘆易地鳴龍頭城南思婦歌牽牛  
欲絕未絕一縷抽劃然石裂千丈湫呌噪鶩鸞飛蛟虯  
洞庭之水天東浮杜寬杜寬藝絕優藝隱豈比閔張儔  
為君貰美酒不惜千金裘和我君山鎔邪蓬與爾同登  
黃鶴樓

脩月匠

并序

按酉陽雜俎太和初有王秀才遊嵩山迷道見一人枕幞而坐曰君知月乃七寶合成乎月勢如丸

其影則日燦其凹處也常有八萬三千戶修之余  
即一數因作脩月匠歌

天公弄丸七寶鉗脆如瑠璃拆如線月中斤人八萬戶  
勅賜仙厨瑣屑飯什什伍伍入杳冥妙手持天輕欲旋  
千斤寶斧運化鈞混沌皮開精魄見昇家奔娥太輕脫  
須臾蹋破蓮花瓣十二山河影碎中輪郭重完冰一片  
縹渺長懸玉白飛堅牢永結妖慕患封辭何用蠻虬臣  
功成萬古蒙天眷一歸蘭路不知年兔子花開三萬遍

花遊曲

至正戊子三月十日偕茅山貞居老仙玉山才子  
煙雨中遊石湖諸山老仙玉妓者璫英賦點絳唇  
詞已而午霽登湖上山歇寶積寺行禪師西軒老  
仙題名軒之壁璫英折碧桃花下山予為璫英賦  
花遊曲而玉山和之

三月十日春濛濛滿江花雨濕東風美人盈盈煙雨裏  
唱徹湖煙與湖水水天虹女忽當門午光穿漏雲霞翻

美人凌空躡飛步步上山頭女真墓華陽老仙海上來  
五湖吐納掌中杯寶山枯禪開茗椀木鯨吼罷催花板  
老仙醉筆石欄西一片飛花落粉題蓬萊宮中花報使  
花信明朝二十四老仙更試蜀麻箋寫盡春愁子夜篇

李夫人

絕代一佳人美色如洛妃春月為作眉上縠秋水為作  
眼中波歌瓊蕤舞玉枝君王有情不自持玉枝一夜推  
瓊蕤一朝落君王之心何以樂若有人兮有若無來遲

遲兮去促促芙蓉葉上清露結晴光倒射金虹滅山為  
雲海為雨何得分明夢中語素娥影沒百子池靈風吹  
散綵霞姿

秦川公子

臨洮水涸銅龍毀西園青青草千里秦川公子走亂離  
瘦馬疲童面如鬼俊君威名跨漢南虎視走狗何眈眈  
可憐膝下盡豚犬誰復大廈收梗楠落日樓頭髀空拊  
目斷神州隔風雨平生不識大耳公座上客歸丞相府

春深銅雀眼中萬攬涕尚復思登高江州破碎非舊土  
版圖何日還金刀荆臺高高已荆棘丹青寫賦工何益  
君不見袁家有客能罵賊將軍頭風重草檄

虎威將

虎威將何鋒稜曾斬故人雙涕零不隨漢水死樊城歸  
國欲為秦孟明虎威將謁高陵不如白馬將先軫賜策

圖丹青

的盧馬

大耳主呼阿盧阿盧努力託我千金軀檀溪水深不見  
底阿盧一躍三丈餘君不見當陽橋汚水渡一雙羽翼  
真都護豈知阿盧論功不在關張下

亂宮奴

亂宮奴錦襜褕淫如秦嫪毐驕如馮子都春風永巷花  
龍駒內家官爵賤如土昨夜宮奴官上柱葦衣篾帶血  
魂啼石子岡頭天嘯雨桓桓虎將吞熊羆燕席豈受宮  
奴欺虎將死作椎鬼夢中擊奴奴不起

老馬戀棧豆 曹爽以桓範鄉里老宿特禮之

及懿起兵召範範以車駕在外乃南出懿謂

蔣濟曰智囊往矣濟曰範則智矣駑馬戀棧

豆爾爽必不能用也範勸爽計皆不從爽乃

投刀于地曰我亦不失作富家翁範笑曰曹

子丹佳人生汝兄弟猶犧耳何圖今日坐汝

族滅曹真五子皆封侯真字子丹懿圍爽第

四角起高樓令人在上察動靜

老馬戀棧豆棧豆不多時老駕老待死豈復千里馳哀  
哀猶犢子身隨六龍飛老駕空獻策猶犢復何為猶犢  
子窟室方聚麋五侯宅前起高樓智囊乃是都鄉侯

夕陽亭

夕陽亭馬超超車驅驅問高貴今何如夕陽亭行且止  
白沙一信南風起千載髑髏夜生齒項成大府攝鬼豪  
論功闕剪當塗高竹書小兒既有罪夕陽老魅誅何逃  
於乎桐宮空斃金屑筆駕鴛鴦檻中牛繼馬

鴆酒來悲煩帝也

鴆酒來酒不來永巷閭門門已開十二小兒衣濺血咫尺抽戈猜阿孩破木衝錦纜斷插郎不到流珠堂蕭娘已逐行春館練帶巾鬆榻板七寶焚衣孰長短

大健兒 唐太宗常曰當今名將惟李勣道宗

萬徹而已勣道宗雖不能大勝亦不大敗至萬徹非大勝即大敗徹自建成敗後嘗隱于終南山晚節再出乃為房氏不肖子所陷君

子惜之

燉煌有力士自稱大健兒氣吞黃狼纛義扶白鵲旗李  
家春宮子去逐春宮起海池敵虜鬚不識真天子天子  
親評三大將鴨綠歸來肆驕宕快刀不斫兩北妖雙足  
甘為羣鼠葬老荆盜弄金烏丸手持血日夢中還何如  
短衣足馬射猛虎老死不出終南山

石婦操并引

石婦即望夫石也在處有之詩人悲其志與

精衛同不必問其主名也予為詞補入琴操

云

哉哉孤竹崗上有石魯魯山夫折山華歲歲山頭歌石  
婦行人幾時歸東海山頭有時聚行人歸啼石柱石婦  
岑岑化黃土

大數謠

梁朝老檜昨夜死海聲已入西門市草中張伯懷璧子  
丹餅有書誰識此小夫爭爵幾時休二十四老前無儔

黃金無方鑄髑髏樓船夢過西流洲更生靈香那得偷  
大樹夜聽聲如牛

公無渡河

公無渡河河水清兮不見泥公身非水犀狂風黑浪欲  
何濟公不能濟橫帆在河西青頭少婦泣血啼有年不  
死將誰齊公死河靈伯妾死河靈妻

烏夜啼并引

古樂府烏夜啼者宋王義慶妓妾報赦之詞予

為補之而少見規誠之義云

龍葱高樹青門西夜夜栖烏來上啼報君凶報君喜願  
君高樹成連理啼夜夜八九子莫使君家高樹移烏生  
八九烏散飛

眉嫵詞

朝畫眉夕畫眉畫眉日日生春姿長安已知京兆嫵有  
司直奏君王知君王毛舉人間事不咎人間夫婦私

胭脂井

井無水荒龍椅不得如巴馬子仰天夜見黃姑星水底  
嘵嘵話紅鬼井中之人不殉死宮人斜在雷塘趾

平原君

平原君起朱樓美人盈盈樓上頭槃跚跛躄彼何叟美  
人一笑槃跚愁門下士引去不可留美人高價千金直  
千金不惜美人頭君不見帷中婦女觀跛者一笑五國  
生戈矛

馮家女并引

漢司隸馮方之女也避亂揚州袁術見而悅之遂納焉甚愛幸諸婦思害其寵語之曰將軍貴人也有志節當時時涕泣憂愁以長見欽重馮氏從之後諸婦因共絞殺繫之廁術誠以為不得志而死也

馮家女綠髮盤雙鴉離亂棄鄉土聘入將軍家將軍愛幸諸婦妬顏色粹美無疵瑕掩鼻襲餘術淚眼啼春華馮家女昨日堂上人今朝廁中鬼將軍不為疑司隸不

為理道傍古冢生棘榛千年古憤何由伸嗚呼千年古  
憤何由伸

金臺篇

金臺起朔方金色照天光上有七十二鳳凰金居玉食  
高頡頑王不居心獨苦拜師禮士心愈下羣賢起南西  
東國恥一洗黃金空十年燕雌今日雄君不見姑胥何  
用黃金屋野鹿穿花豕銜蓐

大難日

來日大難君不知焦心敝力欲何為早知大難學安期  
煉煮丹石服靈芝大藥誤死世所喰不如美酒千日可  
辟飢美酒不獲暢中腸千歲而死名為殤

白雪辭

癡雲萬日日為黃白光半夜漏東方廣寒免老玉髮蛻  
一箭江風落人世錦宮肉屏香汗溶酒如春江飲如虹  
彩鸞簾額不受捲酒面洗作梨花風階前獅子積不壞  
十日璫田換塵界金鉢取掛扶桑鏡照見璫田出寒萼

柏谷詞

柏谷險君勿趨君一趨龍為魚槃長豈識真龍軀賴爾  
老婦能挽夫論報不賜誅漿長本無辜舉之羽林郎大  
將軍可奴

寄韓李二御史同年

揚子十年官不調豈無詞賦列時髦青冥遠隔新持斧  
雨露猶同舊賜袍共喜諸公當北道却容獨客卧東臯  
斗牛清夜能回首一道豐城劍氣高

翡翠巢

羅浮花使先春到來傍玉樓深處巢舞雪艷翻楊柳絮  
歌雲輕壓海棠稍屏開時露鴉頭襪絃斷應銜鳳觜膠  
却笑雪衣娘太劣雕籠深鎖未全教

嬉春體

西子湖頭春色濃望湖樓下水連空柳條千樹僧眼碧  
桃花一枝人面紅天氣渾如曲江節野客恰似杜陵翁  
得錢沽酒勿復較如此好懷誰與同

踢踘篇

江南女兒花娟娟五花繡出葵花圓  
踢花上下雙文鴛  
雙文鴛玉連瑣髻斜斜馬初墮

金鞭齊停馬上郎落花旋風掃  
毬場繡輪擲過東家牆  
東家牆噪雙燕平頭奴握便面

邯鄲弄

邯鄲市上美人家美人小襪青月牙  
繡靴對著平頭鴟  
平頭鴟塌場下包銀壺駄細馬

裙翻柳脚垂青空水風吹亂秋芙蓉須臾氣喘如渴虹  
如渴虹索銀纓轉轆轤飲金井

關山月

長城飲馬窟飲馬馬還驚寧知嗚咽水猶作寶刀鳴

聞鴈篇

樓頭聞過鴈隻影不成雙一夜狂夫夢相隨到九江

歸客誤

夜聞歸客騎玉轡鳴登竦喚婦開西窓秋風響桐葉

自君之出矣

自君之出矣燕去復燕歸思君如荔帶日日抱君衣

其二

自君之出矣草青復草黃思君如魚鑰日日守君房

其三

秋風吹羅帷玉郎思寄衣多情雙絡緯啼近妾寒機

燕子辭

燕子將雛春又深不堪春思似秋心東郊春入車前草

蕩子馬蹄何處尋

其二

燕子來時春雨香  
燕子去時秋雨涼  
鴛鴦一生不作客  
夜夜不離雙井塘

宮詞

薰風殿閣日初長  
南貢新來荔枝香  
西邸阿環方病齒  
金籠分賜雪衣娘

其二

后土璣仙屬內家揚州從此絕名花君王題品容誰並  
萼綠宮中萼綠華

其三

金屋秋深露氣涼宮監久不到西廂丁寧莫竊寧哥笛  
鸚鵡無情說短長

其四

十三宮女善詞章長立君王玉几傍阿婉有才偏惹恨  
宮中鸚鵡啄絛桑

其五

蛾眉曠處不勝秋長帶芙蓉小苑愁肯為君王通一笑  
羽書烽火誤諸侯

其六

西江美女久不見手把新題合歡扇鯉魚憑送相思字  
灞王門前水如箭

小游仙

青旄節衛翠雲輶按部東行過赤城龍女遺珠雞卵大

結為雙珮賜方平

其二

若木西來赤岸東  
白金城闕碧珠宮  
天家令急不敢住  
折得五花歸飯龍

其三

金蛾藥生瑤水陰  
錦駝鳥鳴珠樹林上  
皇勅賜龍色酒  
天樂五雲流玉音

其四

麻姑今夜過青丘玉體催斟白玉舟莫向外人矜指爪  
酒酣為我擘箜篌

其五

蓮葉舟高河漢垂黃姑玉女會佳期玉清久入銜城洞  
莫遣成都賣卜知

其六

日落海門吹鳳笙須臾海水沸如炮船頭處女來聽曲  
知是洞庭千歲蛟

其七

當時笑我去學仙汝但求金與求田不知昨夜城頭鶴  
問汝無人識墓阡

班婕妤

長門不用買多才紈扇炎涼善自裁五鬼一言能寤主  
秋驪愁殺望思臺

趙昭儀

通仙門裏春晝長侍兒新擁試蘭湯君王空散黃金餅

不見宮中赤鳳凰

馮小憐

前山校獵御同車一笑平陽等戰蝎換得侯衣纔上馬  
琵琶已屬代王家

盼盼

塚上白楊今十年樓頭燕子尚留連銅臺多少丁寧恨  
誰向西陵望墓田

楊廉夫樂府原編十六卷今只存四卷又門人顧亮

所編詠史不在此內又抄本者亦係詠史詩也先生詩集多係其門人吳復所編先生自以為古樂府辭世人罕習善和予者惟五峰李季和而已季和死命吳復錄季和死後凡若干首至其墓焚之則先生之與五峯自相期許可知矣晚年門人章琬復輯其後所製者二百首與吳復所編三百首名曰鐵雅蓋先生詠史詩名曰鐵史而鐵崖其所居山名也少年過太湖得鏽錫鐵笛又嘗自稱為鐵笛道人云學佺謹

識

附西湖竹枝詞

楊維楨

家住西湖新婦磯  
勸郎不唱纏金衣  
琵琶元是韓憑木  
彈出鴛鴦一處飛

勸郎莫上南高峰  
勸郎莫上北高峰  
南高峰雲北峯雨  
雲雨相催愁殺儂

石新戶下水連空  
飛來峯前山萬重  
不辭妾作望夫石

望郎或似飛來峰

望郎一朝又一朝信郎信似浙江潮浙江潮候有時失

臂上守宮無日消

宇文子真

蘇小門前騎馬過相逢白髮老宮娥自言記得前朝事  
只說當年賈八哥

陸繼之

手種宜男寄去時花開灼灼子離離芳心不似蕪蕪草

一任春風爛漫吹

朱仲文

南北高峯作鏡臺  
十里湖光如鏡開  
行人有心都照見  
勸郎肝膽莫相猜

釋道元

湖上採菱菱濕衣  
泥中取藕偶來歸  
快殺鴛鴦不獨宿  
却嫌鸕鷀傍人飛

于彥成

儂家住在湧金門青見高峯白見雲嶺上並無丞相宅  
湖邊猶有岳王墳

又

楊柳樹頭雙鴉鴟雨來逐婦晴來呼鴛鴦到死不相背  
雙飛日日在西湖

釋雷隱

郎去東征苦未歸妾去採桑長忍飢養蠶成絲不敢賣  
留待織郎身上衣

郁九成

十五女兒羅髻垂，照水學畫雙蛾眉。  
長橋橋下灣灣月，偏向儂家照別離。

又

妾家西湖住橫塘，門前楊柳萬條長。  
願郎醉後莫折斷，留待重來繫馬韁。

楊子壽

郎去天涯妾在樓，西湖楊柳又三秋。  
郎情莫似海頭水，

城北城南隨處流

顧進道

楊白花開風滿天  
花開成絮不成綿  
不如落向西湖水  
化作浮萍箇箇圓

又

郎子別時秋月明  
說道歸時春水生  
曉起門前聽過馬  
嘶都是別人行

王彥強

孤山梅花開雪中恰似阿儂冰雪容不學畫橋南畔柳  
春來容易嫁東風

馬民立

與郎別久夢相思不作西園蝴蝶飛化作春深題鵝鳥  
一聲聲是勸郎歸

熊進德

銷金鍋邊瑪瑙坡爭似儂家春最多蝴蝶滿園飛不去  
好花紅到剪春羅

章德圭

湖湖艇艇風徐徐秋水蕩漾金芙蓉釣魚不是貪雙鯉  
為恐腹中藏素書

楊宗善

湖中採蓮蓮刺長芡頭新剥掌中粧掌中芡子眼中淚  
化作鮫珠遺我郎

張大本

西湖女兒似西施瓜皮小船歌竹枝郎心如月有時黑

妾心如山無動時

又

蘇公堤上柳枝枝月子彎彎似妾眉記得雙雙拜新月  
只今獨有影相隨

沈自誠

儂自西湖日日愁郎船只在浙江頭憑誰移得吳山去  
湖水江波一處流

別里沙彥誠

楓篁嶺下月色涼無數竹枝官道傍東家為愛青青節  
截作參差吹鳳凰

吳彥章

湖中日日坐船窓水面鯉魚長一雙好寄尺書問郎信  
惱人湖水不通江

士女曹妙清比玉

美人絕似董嬌嬈家住南山第一橋不肯隨人過湖去  
月明夜夜自吹簫

張妙淨惠蓮

憶抱明珠買妾時  
妾起梳頭郎畫眉  
郎今何處妾獨在  
怕見花間雙蝶飛

無名氏

蘇公堤上楊柳青  
人來人去綰離情  
東風為爾叮嚀道  
折斷柔條莫再生

右楊廉夫竹枝詞不在全集內而此本為馮開之司  
成得自徐茂吳司李齋中有天順三年和維序云鐵

崖晚歲寓居西湖日與鄭韶輩留連詩酒乃舍泛語  
更為清唱首賦西湖竹枝詞若干首一時從而和者  
數百家雖婦人女子之作亦為收錄集成鐵崖既加  
評點仍于諸家姓字之下註其平昔去處之詳板行  
海內久之湮滅云按今得詞一百八十五首計一百  
二十人予社徐興公又選其精者二十九首余因附  
錄于鐵崖集之後興公又註云和維山西澤州陵川  
縣人浙江按察司僉事時崇禎三年庚午春王正月

石倉居士學佺識

石倉歷代詩選卷二百六十二

欽定四庫全書

石倉歷代詩選卷二百六十三

明 曹學佺 編

元詩三十三

許謙

白鳥二章章八句

嗷嗷哀鳴遷于壞木豈無好逑敷彼獨宿渴飲而泉飢  
啄而粟聊樂我員亦曷云足

鴻鴈在渚鵠鵠在原物以羣分維性是便爾鳴雔雔爾懷急難無胥遠矣今亶其然

鬱松贈陶思齊任通波驛長

鬱鬱喬松在彼中林斲之翦之以棟以楹我材既良胡寧靡成日居月諸亦迭而逝謀猶孔臧庶拔斯萃奮然于懷耿耿寤寐泛彼柏舟集于西流征夫遑遑予取子求爾言毋暴我心則休遙遙道途跬步斯舉悠悠天衢始振其羽聿其問津雲漢之渚

酬潘明之

鴻鵠凌青霄燕雀巢白屋凌霄志寥廓巢屋亦云足故人渺天涯歲月如轉燭昔為交手歡今成斷腸曲嵩華日以高江漢日以卑道異謀不同何日傷別離書成情未盡路遠夢更迷相思溪水頭猶如送君時

題曹提領湘靈廟聞樂見燈詩卷

重華陟遐方馬斃車折軸娥英失所天往殉行且哭黛凝衡山雲汨染湘江竹夫君不可見異穴嘆同穀廟食

三千年境土惠徼福事久竟忘哀幻化驚耳目音響鈞天和光景清夜燭誰能寫新聲如彼涓在濮

遣興

秋日常苦短秋夜不可闌葉鳴迅風晚蟲怨零露寒月  
白天炯炯振衣起盤桓山川出浮淳翳彼明不完幽興  
中道絕百感來無端何當誅豐隆致身無羽翰清光亦  
何私不照方寸丹

猗猗澧有蘭馥馥沅有芷獮獮石上蒲泛泛水中芰鮮

鮮三徑菊施施百晦蕙采掇集衆芳粲爛成雜佩佩服  
何所從將以待君子

蓬生衆麻中不扶能自直寒窓效蠹鑽孤陋寡聞識古  
來貴尚友萬善在熏炙古人不可見今人豈易得千載  
遙相思空使我心惻

春風榮衆芳秋露悴百草羲和策日月急疾雨飛鳥枯  
桑號天風俛仰波浩渺氣流物隨化金石不自保人生  
寄蜉蝣時邁胡不老天地有終窮微眇何足道

乾坤無停運清氣日夜生人居覆載間所息能不萌握  
機養天和持守如捧盈得喪固有命寵辱何足驚一身  
磐石重萬鍾浮雲輕丈夫有志願誰謂吾無成

次韻

朔風漠沙白漳日越荔丹出門萬里道爭似二項田拜  
塵素所薄知命復何言鄙夫競聲利石火寒無煙清風  
桐江水捷徑終南山丈夫時用舍所貴無泚顏得喪固  
一瞬芳臭俱百年坦途有覆轍窮哭誰復憐乾坤渺無

際我身蠶其間浩氣貫元化漸著豈不闢見可乃合道  
行險祇自殘平生作霖志詎肯懷土安風雲有嘉會時  
至容何難君看激海鵬振翮青霄端

贈江行父

有朋遠方來傾蓋語已契紛紛燕雀間聽此孤鶴唳中  
扁湛淵水窺測渺無際接人氣雖和自律言頗厲為言  
君子交相與期晚歲珠玉生光輝顧我形頗穢  
海為百川歸流派各有源清濁豈不異皆可觀其瀾威

儀動三千意象非一端要知霄壤隔乃在毫釐間畢公勤小物垂訓古不刊

賴川趙璉從予遊逾二載復同夜坐草亭考索理義始至大辛亥十月癸未至皇慶壬子五月癸丑而止誦講之餘時相與步武庭中倚樹凝立仰觀俯察莫匪佳趣間以所見輯成韻語得十餘篇於璉之行書以贈之

宵漏四十餘疾急不可駐役夫昧昏夜戍柝迷風暮商

頌歌悠揚未足發歸趣竹徑流疎螢蕉葉鴻清露唧唧  
遠雞鳴蠅聲無乃誤

送李榮甫知事遷淮西

長松生岡陵質與風木異春和猶凜然況處風霜地塵  
埃飛六月豈足為我穢一雨洗蒼蒼凌空氣尤厲  
淮水出桐柏浙江發東陽期會至滄海千里遙相望源  
澄撓不濁水德固可量願將此清冷溥施彼一方

放牛圖

木葉紅欲落野草青未枯健犢起跳浪脫楛行江隅牧人善防閑為擇牧與葛母牛徐掉尾煦嫗鳴相呼阿童得所托靜中樂華胥豈惟置蓑笠乾坤一蘧廬苟能物付物拱默湛如愚

思遠樓

玄樓矗城端簷影墮天涯憑闌對堤草鳴櫓飛浪花舊聞會昌湖一望十里賒藩籬孰定地相入如犬牙河間尋丈波僅可通行槎芙蓉已銷落寒水浮枯葭佳景不

及遠興思重咨嗟夫人各有思所異正與邪潮汐蕩滯  
薄鄭衛生淫哇君子善發慮身通心則遐徘徊興未已

古木啼昏鴉

中川龍翔興慶寺

孤嶼浮中川晝夜汨潮汐何年地維裂中斷洲渚失雨  
峰峙東西蔽影互朝夕浮屠據稜層梵宇絢金碧飛龍  
迫風雷曾此一憩息昔時柱桓居今作大士室了師擇  
靈地為假蛟鼈窟聚沙合舊港連亘如片石山扉夜無

闢神物便入出亂流攜故老一一訪陳迹軒亭倚葭葦  
濤浪倚几席豫章號樓風篠蕩羈寒日憑高慨今古天  
海相蕩激景在人易非悠悠意何極

暮過東津館

薄暮下通津灘急舟劇箭漁燈互明滅龍月時隱見清  
颶從東來涼風襲我面目送兩山青天長淨如練

遊鍾山至八公德水

悠悠鍾山雲朝夕碍我目褰衣試一往行與雲相逐驅

馬出東門十里至山麓幽人昔已古誰能繼芳躅猿鶴  
乘古林鼯鼯嘯深木彼哉西方人胡為擅斯谷豈云事  
幽棲政爾眩華屋泓泉抱何德濁熱供一沃巖回屐欲  
倦小憩倚脩竹涼颸自披襟佳興亦云足

舟中雜興

冉冉江上蘆離離路傍草霜露侵衣裳何用涉遠道鴻  
鴈方有序孤飛任林表豈不顧其羣長風翩難矯  
亭亭嶺上雲玄鶴相與飛俛啄戀故巢不得從雲歸秋

風颶黃葉飄飄各何之  
覩糧事遠遊在昔聞斷機棲鳥  
辭茂林徘徊更依違悠悠兩江水共此明月輝

嵐煙紫瘴嵬波月光滉漾星宿懸虛蓬雲雨暗逸槳震  
澤商氣深雄風駕濤浪白鷗與蒼鴈來往同欹蕩吳潮  
海門濶飛雪噴秋響重重越山迎汨汨溪流上舟行歷  
旬日佳景閱萬狀孤征抱結思所感重悽愴安得同心

人詠歌共清賞

送胡秋白衢州學正

東陽有佳士，簪盍鍾山下。  
變文搞風雲，論事共樽筭。  
為言諸孫行，二妙皆作者。  
有懷不可見，情若江流瀉。  
今此逢少君，秋月澄霽野。  
儒術久不振，屏棄如土苴。  
泮林雖儲材，檍棘亂梧櫓。  
固當距陂行，扶植歸大雅。  
太末古名邦，生才今豈寡。  
善性水同趨，範模待良冶。

採藥

亭亭北山松，宿靄蔭深碧。  
蒼根走虯龍，巨幹盤鐵石。  
平生棟梁具，不受霜雪厄。  
免絲得所附，裊裊掛千尺。  
流脂

入九地千歲化琥珀我欲掇其英俯仰費搜擿紅爐轉丹砂石髓變金液但恐茫昧間圖驥不可索意長時苦促雙鬢日夜白刀圭或可試習習在兩腋蓬萊三萬里詎謂弱水隔他時來山中故老應不識

種松

青松如秧針植在山之蹊豈惟娛心目歲寒以為期未飽雨露恩那識棟梁姿蓬蒿塞三徑埋沒誰復知秋風隕百草秀色不少衰雖然咫尺根已見佳種竒君看二

十年腰大數十圍雪霜挺堅操雲漢擎高枝時有白鶴  
來凡鳥那堪棲兔絲與凌霄冉冉相附依青松本貞固  
不逐衆物移大器固晚成何用嫌暮遲願言堅汝節罷  
勉待歲時

對竹

主人樹脩竹近在桃李場賦性雖不同相友庸何傷陽  
春破桃李紅白爭低昂無言自成蹊相媚色與香何心  
伴幽獨徒引蝶蜂忙此君心本虛寧逐春風狂咄嗟桃

與李開落那能常

寄友人

丹鳳止高岡衆鳥甘戢羽昂昂九皋鶴下上得所附江  
南竹實多朝陽自軒翥延頸戛然鳴四顧失其侶豈不  
念相從天闊無處所鳳兮歸何時恥與燕雀伍

又用韻遣興

秋山撼虛林秋水揚素波緩衣踞蟠石怡眄庭樹柯芳  
景良可惜去日亦已多天寒道路遠奈此兩鬢何興來

勿引酒醉飲空悲歌丈夫有志適慷慨捫太阿

暮春郊外

行行多勝事石竇濺流泉白鳥浮雲外青山落日邊風  
平花委地野迥草連天春事成牢落人生一夢然

遊智者寺

風日景颸颸松陰繫紫駟白雲千載寺黃葉四山秋地  
勝樓臺接林深虎豹遊人生自可樂此外復何求

蕭兄臨行索詩即席賦贈

相逢嗟久別歸路復匆匆我愧今原憲君非舊阿蒙山

風驚落木江日數飛鴻舟颺西流水明朝定向東

花溪道中

板橋橫古渡村野帶平林野鴨寒塘靜山禽曉樹深雨  
微風栗烈雲暗雪侵尋安道門前水清遊豈獨吟  
天寒道路遠此去復何求適意真為樂浮生底用憂雲  
容低野樹風力逆溪流喜見梅花笑相迎傍驛樓

浦川方仲觀入城從學繼入公門今歸侍親求

詩

百里來為學違親半載餘暮雲飛故里秋露浥行車紅葉蟬聲老黃花鴈影疎漢朝尊吏事何必業詩書

秋夜

月落窓仍暗燈殘卷未收家人催杼軸禪子伺更籌冷露蟲搏夜悽風樹怯秋百年一瞬目萬慮幾搔頭

過太湖

周迴萬水入遠近數州環南極疑無地西浮真際山三

江歸漢表一徑界河間白浪秋風疾漁舟意尚閒

酬潘明之

華亭谷深紫烟濕老鶴唳空眼垂碧功名千歲衣染墨  
遼陽骨換今幾日華表時來語消息九皋胎化項未丹  
海門雲冷高飛難嘎然長鳴飲清湍何當天風吹羽翰  
方壺圓嶠同盤桓

遊龍回寺碧雲有何無適草書

蒼鱗作霖回壑裏竟化長岡飛不起何年老僧飛錫來

強架檻楹萬山底碧雲石梯如登天俯視竹樹行其巔  
巖巒起伏呈怪狀壯若羣馬奔吾前何仙仙去不復返  
滿壁龍蛇驚醉眼可憐一半委塗泥況復阽危混苔蘚  
山翁摸榻妙入神永和蘭紙且逼真勸君勿辭一日力  
為我留為百世珍君不見二王舊帖皆殘編至今不惜  
千金傳

立秋日寄趙蓮

蘭皋慘碧烟萋萋徘徊不忍竟與違欲窮目力望江水

江風故挾雙舟飛歸來復對呶呶者思才俯首西窓下  
殿中駿足逐春風執策臨之盡凡馬拂硯挑燈披竹素  
朝昏總是懷人處有時獨倚西南樓不見冥鴻北征路

送諸暨俞州判

北風蕭蕭吹江蘆清霜載道冰在鬚奚奴束書催上車  
政成卷旆歸京都暨陽眇處天一隅里閭凋瘵煩爬梳  
負戈攘臂衆暴寡採裳胠篋爭捐軀天民秉彝同好德  
椎牛端為飢寒驅倅州寬惠別淑愚癉惡豈必連妻孥

甘棠蔽芾有餘蔭百里寧謐無援桴存心忠孝本天性  
為政固與常人殊壽昌自樂歸河中希文隱憂居江湖  
白雲舍近畢至願青霄路迥寧躊躇

馮公嶺

層巒疊嶂危相倚亂若飄風湧秋水寒松荒草間蒼黃  
照眼崢嶸三十里初如井底觀空虛一峰巍然中獨尊  
榮回百折至絕頂俯視衆嶺來兒孫人言此山挿霄漢  
馬不容鞭僕夫嘆攀援何異蜀道難氣竭神疲背流汗

熟視徐行路覺平心寬意適步更輕志須預定自遠到  
世事豈得終無成我來正值窮冬月倚杖巖前嚼松雪  
午店煙生野飯香陽坡日近梅花發寄語悠悠行路人  
乾坤設險君勿嗔胸中芥蒂未盡去須信坦道多荆榛

題姑蘇臺

姑蘇城上姑蘇臺青山百里娥眉閑平郊如掌思清遠  
昔人樂極曾生哀大讐未復敵不死壯志消磨侈心起  
會稽捷甲功自多種蠡深謀誠未已不知佳冶能傾國

暮暮朝朝醉春色  
勲臣抉眼視東門  
越女還為越人得  
只今興廢總成空  
惟餘碧草搖淒風  
可憐千古臺前水  
不洗當年甬東恥

友人招飲榴花下

寧風惡雨消餘春  
春歸到處成清陰  
萬枝濃綠幻春色  
絳葩丹蕊俄森森  
祝融行部過九地  
誤縱炬火燒園林  
艷粧炎日色更好  
冷冷著雨紅尤深  
浩歌相對作痛飲  
有花為伴非孤斟  
支願半醉不成夢  
恍惚參錯供微吟

只愁明日便搖落徘徊欲去還重臨會須秋風折珠實  
當載樽酒相追尋

贈王斗山

骨肉斯文氣味投春風芹藻憶同遊故人別後無青眼  
此日相逢盡白頭匣劍光橫南斗夜鳳梧陰冷峴山秋  
惟應且試連鼈手未許江干下直鉤

三月十五夜登迎華觀

夜深來此倚欄干千里樓臺俯首看月到中天花影正

露零平地草光寒氣清更覺山川近意遠從知宇宙寬  
長嘯一聲雲外落幾家兒女夢初殘

青田大鶴洞

有華法善試劍石舊有玄鵠巢于上復有青牛在下

榕影扶疎路九回仙家那復著塵埃山間田在牛終隱  
石上巢空鶴下來丹竈無灰惟白草劍鋒遺跡自蒼苔  
洞中道士今何處三扣雲闌杳莫開

放棹行

安溪湖平行棹多黃頭豎兒倚棹歌梅花照眼送寒色

酒暈著臉生春和炎涼世態翻覆手江水長靜風吹波  
出門一笑天萬里白鷗浩蕩知吾何

西山萬象寺

亂峰盡處接浮雲東望悠悠萬事陳百里江流縈縞帶  
滿城居室比魚鱗野僧倚竹嘯留客山鳥穿林啼喚人  
落日亭中一杯酒何年復此對晴春

九月十七日登清涼寺翠微亭故址

梵宇崢嶸枕上頭倚風極目立荒丘黃花覆地初經雨

白鴈橫雲遠帶秋城廓已非山故在江淮失險水空流  
衲僧八十仍多病收泪殷勤說故侯

次韻王中齋登拱翠樓

曾醉危樓坐石坡彈箏擊缶醉婆娑蓬飛已改流年鬢  
木老猶存舊日柯紅樹參差秋水遠碧山高下夕陽多  
此時還縱西風眼共倚闌干起浩歌

秋暮有懷

十二欄干倚翠微露華寒重逼羅衣碧天連水思空遠

衰草滿庭人未歸秋雨樓臺幾寂寞春風院落自芳菲  
冥鴻應有青霄侶為隔閒雲尚獨飛

即席用蘇世賢韻送郭子昭

攬轡春風入駿蹄兩堤煙柳護晴溪黃鶯自有留人意  
相對殘紅不忍啼

落花高下弄菲菲多少離愁付笛吹別後故人休忘却  
與君重賦渭城詩

哭空谷師

玄鴈離羣得意飛稻梁秋靜羽毛微不知何處逢繒繳  
雲冷空江夜不歸

霜入楓林葉已丹風鳴籟動助悲酸山人歸去鶴空怨  
清夜月高榕影寒

次韻潘明之秋思

西風冉冉鬢毛侵鳳老梧衰鎖夕陰倚遍闌干重回首  
斷鴻千里暮雲深

舟中贈璉

行人流水共悠悠雨洒溪風萬點愁別棹不來天欲暮  
倚舷無語看浮漚

夜過黃泥渡

夜深風息水安流白鴈黃蘆滿眼秋行李蕭蕭官棹穩  
卧看明月過真州

石倉歷代詩選卷二百六十三

欽定四庫全書

集部

石倉歷代詩選卷三百六十六

四至

詳校官庶吉士臣范逢恩  
侍讀臣孫球覆勘

總校官進士臣朱鈴

校對官主事臣張慎和

謄錄監生臣李源

欽定四庫全書

石倉歷代詩選卷二百六十四

明 曹學佺 編

元詩三十四

歐陽玄

舟次諸師寄詩奉謝都水分監瑞卿監丞

抱疴辭承明買舟濟官師祚襟正無悰蓬底可容納艸  
艤尾相銜客次若鱗甲憶初離神京餘暑尚揮箇淹留

近秋杪朝爽欲添袂紆傳進元策走介奉一札使君適  
分監贏縮制有法得書即欣然愛我餘素狎遣騶護輕  
舟快若歷三峽鄉心鷹脫韁野性兕出柙昔憂阻殺澑  
今喜泛苕霅黃蘆間蒲稗綠藻唼鳬鴨舒懷對幽景寓  
目成畫夾公堂為展席觴容禮意洽病予難却酒亦復  
飲盈呷吁嗟逆旅途知已元不乏相期遠大器留詩當  
盟軟感篆辭則長欲賦慚韻狹

送振先宗丈歸祖庭

歐公孫子多擘派以為四幕年歸頽陰非無首丘志乞  
洪不得請由是懈歸計致公生平言亦頗感先世先世  
多才賢生適逢五季幅員政分裂盡瘁于所事竟乏垂  
世名益亦限地勢況復公少孤坎壈蜀漢裔身當混一  
秋代逢承平際擇里審所安實通輦轂地子孫托畿內  
宦轍亦云易人情曷免爾公豈消聲利詎知返簷移南  
北尋睽異一枝先南邁司造有深意沙溪標德里瀧岡  
重塋祭至今青原家十世祀不替振兴先吾宗英守正恥

骯骯閭閻保家法處約不少懟嘉樹無由枝嘉穀無穗  
滯原本既不凡時需諒無棄矧今掄俊髦往往論根器  
老夫辭冊府多病久憔悴徒懷薦士心言莫士軒輕賦  
詩當推穀自愧辭已費憧憧青雲友誰如古人誼

為所性姪題小景

林廬淡踈煙歸帆泊沙渚披圖得空濶總是經行處寒  
屋茆簷古踈煙野樹春遙遙濟川者應是此中人

詠春閨怨

東風園林花草香芳閨寂寞春晝長佳人獨守情默默  
銀牀錦被閒鴛鴦終朝倦繡拈針指怕向花前聽鶯語  
喚回舊事千萬端杏臉蛾眉淚如雨玉郎去年辭家時  
綠楊紅杏嬌春暉綠楊紅杏色如舊悵望玉郎猶未歸  
一春魚鴈音書絕雪膚消瘦千腸結斷腸猶立幾黃昏  
那更青山苦啼鴟

和李漑之舞姬脫鞋吟

宮袍繡蹙金花綺紅綃緊襯雙鸞尾盈盈漫服舞腰輕

綵雲飛處香風起  
蘿絲掣斷春雲鬆  
瑞蓮雙結並頭紅  
夭夭曲曲玉灣卷  
翠鳬飛去天欲軟  
玉階秀蕊蘭筍長  
瓊砂迸出蘆芽淺  
徘徊困倚東風力  
濕砌香雲墜無跡  
無限嬌羞不自持  
君王喚起扶花立

題紫微老人大字歌

紫微老人射生手  
挽強竟取黃金斗  
驃騎營中拜驍勇  
鳳凰池上稱耆舊  
時平腕力無所施  
筋力猶能學顚柳  
縱橫戎畧結構體  
殺活兵機屈伸肘  
山莊劉氏得最多

當日襜褕駐應久高樓大匾曰明遠況有愛山并尚友  
我來後公五十年主人酌我樓中酒平田野水鳬鴈集  
重岡複嶺蛟龍走登高欲賦乏佳興忽覩台躔照窓牖  
家藏有此希世珍取酒當為主人壽想當洗研發筆時  
羽笑生風劖龍吼焉知今人正傳玩名與麒麟同不朽

道吳山

道吳山頭龍目卧疊嶂重岡深紫邇靈湫瀑布千尺長  
古寺神杉十圍大崇祠坎坎風雨來樵徑丁丁鴻鴈過

郡人夜望北斗魁下有突兀青蓮座

大圍山

大圍山高高幾許絕頂嵯峨戴林塢石隙花開自夏春  
地爐僧擁無寒暑清流白鷓滌羽毛綠樹黃熊引筋膂  
山腰日午嬰兒啼知有雷公出行雨

大明殿早朝

扶搖萬里上青霄鳳闕龍池覲帝遙馳背負琛金絡索  
象身備駕玉道遙衣冠俯伏傳呼獄干羽低回首舞韶

湖海布衣瞻盛事他時田野夢天朝

相臺

負郭東南裴相臺綠溪一徑踏蒼苔此日城闥少人到  
當時公府棄官來禪牀象屋留光雨書沼蛙聲噤鞠灰  
坐待氛塵純飲淨舉頭應解識三公

至正壬午十一月十三日祭初祖墓

白髮甘泉忝從官歸來曳屨上吟壇故山虎豹多文采  
白水蛟螭有屈蟠謁客及門容履滿贊文盈篋借燈看

百年省墓償初志心憶先親已痛難

送李宜忠之寧州教授

廣文家住白芒原唐世忠臣閥閈存寧郡喜迎新博士  
邦人特重舊王孫楊花絳帳春雲陣苔蘚丹書暮雨痕  
向使汾陽晞曖在應慚詩禮在名門

竹澗圖

青林翠巘俯江郊谷口湍流巨石坳戛玉萬竿鳴水樂  
垂紳雙瀑盪雲梢風漪靜浸蒼龍影月瀨光搖紫鳳巢

歌罷商巖採芝曲兩翁翰墨定神交

郊天禮成應制

紫壇黃屋夜無風牲璧初陳月正中瑞靄霏微成五色  
神光烜赫映重瞳千官屏息瞻天表萬國闔心在聖躬  
清曉慶雲高捧日簫韶前導駕還宮

接花木

園丁妙手即花神換葉移枝偽脫真刀剪豈能傷化力  
色香無復記前身春深自有鸞膠續歲久行看鶴膝伸

堪笑微生亦如此任呼牛馬定誰人

寄有壬許參政

京華白髮染塵埃  
喜見文場閉復開  
自是曹參當繼相  
不然王式肯輕來  
上躬藻火慙無補衆論鹽梅屬有材  
素志已醉歸欲早  
相期濁酒坐莓苔

西明道人

武昌堤上水雲身  
三十年來識道人  
只為漫遊相見少  
故知臨別贈言頻  
憧憧車馬紅塵老  
靡靡江山白髮新

邂逅一回頻唱和錦囊千首未為貧

昌山

昌山峽口日西斜  
蘭渚維舟近酒家  
水漱樹根龍露爪  
石排江岸虎交牙  
路逕佛寺藏深塢  
風動漁舟掃落花  
再拜靈均獻蘋藻  
月明環珮下汀沙

早歐聽秋居士園池

碧池流水綠潺潺  
高下樓臺紫翠間  
阮籍才華勝南族  
謝安清致滿東山  
標名花塢鶯爭道  
集句桃符鹿守關

灑掃園丁今白髮秋翁化鶴幾時還

題所貴姪梅

老樹縱橫出幾條一枝還又亞牆腰西湖湖上掀蓬看  
一夜吹香滿六橋

所性姪家藏東坡看竹圖

銀燭高燒照艷粧繁華過眼已相忘敲門自愛看修竹  
未必殷勤為海棠

漫題

鈴索無聲玉漏稀青綾夜直月侵扉五更一覺梅花夢  
催得江南學士歸

高宗御書

君王不受辟寒釵永巷泥金進損齋欲上太清樓下望  
啼鴉落日滿宮槐

陳搏睡圖

陳橋一夜柘袍黃天下都無鼾睡方贏得墜驢閒老子  
為君眠斷白雲鄉

吳西村雪霽圖

鄭虔能畫又能詩獨立經營雪霽時曾向湘江拏釣艇賣鮮沽酒鬢如絲

黑荔枝

向來千里騎塵紅生色羅襦濕翠同顏色似嫌妃子笑蕭然猶有墨君風

閒展山水手卷

十年京國看圖畫半幅雲煙亦惱儂今日身行屏障裏

却思移住最高峰

京城雜用玉堂集日列二首

京城走馬聽晨鐘  
我欲宵征僕輿慵  
却憶江南春睡美  
小樓欹枕聽村春

奉詔修書白玉堂  
朝朝騎馬傍宮牆  
河東畔垂楊柳時有鶯聲似故鄉

逢江易藝芳干賦芳洲

楊柳垂垂拂釣磯  
平沙雨過綠生衣  
王孫鬪草歸來晚

撲漉鴛鴦帶水飛

東山春景

春光澹澹日遲遲正是名園撲蝶時却憶小橋流水過

東山春色在桃枝

歐陽公牡丹詩

盛遊西洛方年少晚樂漁樵號醉翁白首歸來玉堂署

君王殿後見鞋紅

附楊與

有懷梁仲經父

美人熒熒在何處海濶天低隔煙霧珊瑚零落芙蓉空  
咫尺相望迷去路翠輦金輿雙鳳凰風吹環佩聲琅  
琅壺觴狼籍事已往一日萬里愁茫茫劉郎竟是誰家  
客歲晚雙華休葉赤美人熒熒在何處鴨綠江頭江月

白

長安感懷

此心直欲作東周再到長安已白頭往事無憑空擊楫

故人何處獨登樓月搖銀海秦陵夜露濕金莖漢殿秋  
落日酒醒雙泪眼幾時清渭向西流

呈公茂

冰雪相看十五年照人風采只依然我今自分蓬萬底  
君獨何心道路邊渭北幾時無夢寐終南何處有林泉  
不妨便作求田計伴取揚雄草太玄

病中趙之讓見訪

洛陽三月不得雨君家西來常苦陰酒杯雖好怕到手

藥裏底事猶關心對床幾日肯相就擁被中宵愁猶吟  
莫疑衰病便揮謝解吐新句酬知音

寄商夢卿

一望東原一惘然芸窓誰與伴高眠秋風有意招張翰  
春草無由見惠連王母信音青鳥外溪翁心事白鷗邊  
殷勤為向侯芭道判却殘年老太玄

宿草堂二首

百頃逍遙遠千年羅什家荒林藏屋小細逕逐溪斜老

檜今何在瑞蓮春自花山靈憎俗駕朝暮白雲遮

又

廢寺人蹤斷幽溪野性便魚須分浪細虎跡印沙圓馴雀偷僧飯饑蚊破客眠獻芹吾豈敢直欲剗山田

寄商夢卿

無窮惟永日有盡是流年白髮誰能免丹經恐妄傳會心人健否到處家纍然袞袞風波地方思萬里船

阿道村

官路人家少邊城驛使頻李鷹終去洛王粲近歸秦天  
地羣龍鬪泥沙尺蠖伸親朋應笑我頭白傍風塵

留別儒禪

溪行魚不畏岩宿虎相隨怕客談心事逢人誦舊詩衲  
輕聊覆體米滑欲翻匙僧臘知餘幾霜髭已滿頤

謝顧副言問疾

久謝公家事時勞長者車可憐新病後未覺故人疎渭  
北偏饒夢河南近得書相忘吾豈敢欲出怯藍輿

訪耿君玉隱居

居幽穿洞府岸狹束溪流細逕隣翁熟懸崖遠客愁橋  
明山月上窓暗野雲浮世事何曾到年侵易白頭

雨夜二首

闢河隔千里筆硯寄餘生老覺鄉心重閒知世念輕微  
風搖竹影細雨簌簷聲落魄緣何事吾今不用名

又

窓秋風獵獵簷夜雨頻頻蛩韻愁於我燈花笑向人此

身猶在洛何日定歸秦不必黃梁熟真慚白髮新

未歸

渭水遙通洛函闢近闕秦百年垂老日千里未歸身夢  
寐嫌為客妻孥不諱貧一官無可戀花氣五陵春

答京叔文李昆仲

何處音書至劉家好弟兄科名先世在詩律早年成領  
北饒風雪淮南困甲兵論文吾有意尊酒阻同傾

飲山家

為愛春風好乘時把一盃百年雙眼在萬事寸心灰花  
向坐中落家從雲外來詩成無紙筆書地惜蒼苔

浮生懷裕之

漢節飛雲外秦城落照邊浮生空自老歸計定何年淚  
滿陳蕃榻心遙祖逖鞭短詩聊遣興羞向故人傳

晚至青口

長年困行役短髮易飄零世事驚春夢交親散曉星燒  
痕侵路黑柳色夾堤青落日明霞底原情動鶴鵠

撫州

北界連南界昌州又撫州月明魚泊夜霜冷鼠山秋為  
客無時了勞生有許愁殘年嬰世網吾欲謝溪鷗

青峰寺哭燦然弟

長別惟生死難忘是弟兄但吾今到處想汝昔曾行鄉  
社三年阻兵戈一夢驚青山風雨夜此去更傷情

至滑州堤

舊事悲存沒殘年獻往還孤城晴雪底雙塔暮雲間馬

沒長津在龍歸老井閒隔林青數點多是瀘州山

出鴉路宿北石橋

燒火連山暗春雲出谷遲  
避人投野店繫馬就蹠離  
舊宇頽垣在新愁客枕知清明  
無幾日細與數歸期

宿南石橋

江流平入楚山勢遠連秦岸柳猶含凍溪花欲破春石  
銜車轍古沙印虎蹄新晚境長為客空山不見人

承德亨見訪

世事元無定人生只合閒君今悲白髮我亦負青山廢  
郭官居冷荒年旅食慳最憐情義厚朝至暮方還

次答正卿二首

客愁青鏡裏歸夢白鷗邊故國人何在新秋月又圓米  
鹽逢此日詩酒負殘年長羨平林鳥雙飛入暮煙

又

何人依玉樹有客隱金華老覺身為累時勞夢到家且  
騎山簡馬誰識子陽蛙日暮秋風起飛塵滿畫衣

次答伯直侍郎三首

家貧餘四壁地勝接三鄉才賦狂司馬形容老遂良畫眉從爾潤舞袖為誰長生死交情在書紳示不忘

又

升斗貪微祿闢河闊故鄉詠歸懷靖節知足愧張良不問黃金盡猶憐白髮長江湖風浪急相向勝相忘

又

洶洶何時定飄飄著處鄉音書黃耳絕兄弟白眉良晚

景情偏重涼宵語更長舊遊零落盡別後實難忘

泊舟老鶴觜

袞袞風生觜涓涓月印沙船頭平壓浪棹尾旋成花老  
去長為客愁來轉憶家雙栖踈影裏羨殺柳橋鴉

冠氏留別趙帥

主人情爛熳客子自奔忙不見猶頻夢相逢合斷腸秋  
涼拋藥裹夜雨倒壺觴回首高城北幽燕去路長

送靳才卿之平陽

却向他州去蕭蕭雪滿簪丘園初到眼兒女總關心分  
水野煙白霍山寒霧深得歸歸更好吾亦愛秦音

呈君羨

上陽門外路日暮獨歸時齒髮已衰謝風塵仍別離斷  
雲橫紫閣急雨掠蒼波地勝饒新句君將寄阿誰

得邵大用書復寄

百年真夢寐萬國久風塵老去偏相憶書來恨不頻季  
鷹猶在洛王粲未歸秦谷口知何似他時願卜隣

楊飛卿

吾宗久零落之子亦中年紫遷堪高卧玄經擬共傳前言非戲爾舊處想依然留著新詩筆教隨過海船

文紀行贈以小步馬

洛水西頭路桃花夾岸香偏宜紅叱撥小試紫游韁雨徑沙初軟春山草正長杖藜猶過我比別莫相忘

懷同祖卿

東府倉皇別西河迤邐回元戎期坐嘯上客入行臺夢

裏惠連句生前張翰杯龍池清似染應恨不歸來

答張君羨

我無茅一把誰有橘千頭應物機仍拙憂時涕欲流漫  
違魚鳥信豈為稻梁謀老去輕三仕詩來抵四愁

宿重陽宮

村落到山盡軒窓臨水多野禽如舊識隣叟漸相過林  
靜連官竹籬疎補女蘿夜深眠不著倚杖看星河

讀汝南遺事二首

軼道牽羊事已非更堪行酒著青衣裹頭婢子那知此  
卑逐君王烈焰歸

又

六朝江水故依然隔斷中原又百年長笑桓溫無遠畧  
竟留王猛佐苻堅

涿南見蠶婦本汴梁貴家

蠶月何曾出後堂干戈流落客他鄉羅衣著盡無人問  
自把荆藍摘野棠

出郭作

燕姬歌處囀鶯喉燕酒春來滑似油自有五陵年少在  
平明騎馬過蘆溝

過湯陰崇壽寺

城荒古寺冷於冰絳帳誰燒照佛燈閒遙空階觀石刻  
偶聞音語得鄉僧

憶君羨二首

寒雁明朝下五湖長安西望猶躊躇無情誰似張公子

兩見秋風不寄書

又

銅柱從君泣墮鴟夷心事五湖船頭顱如此人間世  
不得青山對暮年

管寧濯足圖

踏徧遼東未是癡藜床欲穴只心知好留一掬黃泥水  
漫却曹公受禪碑

答客

仕晚自知為學拙家貧人道治生疎滿山薇蕨春風老  
昨夜鄰翁有報書

泛舟

燕子迎風掠水飛樓前楊柳綠依依十年不作南塘夢  
怕見殘陽上客衣

石倉歷代詩選卷二百六十四